

581

Na osnovu čl. 4.7 i 4.10 Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 17. Pravilnika o licencama ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 14. septembra 2017. godine, donesena je

O D L U K A
O UTVRĐIVANJU REGULATORNE NAKNADE ZA 2018.
GODINU

1. Ovom odlukom utvrđuje se visina regulatorne naknade za 2018. godinu, koju plaćaju vlasnici licenci izdatih od strane DERK-a, te način plaćanja, odnosno izmirenja obaveze plaćanja regulatorne naknade od strane vlasnika licence.
2. Regulatorna naknada za 2018. godinu iznosi 2.043.000,00 KM (dvamilionačetrestrihstotih konvertibilnih maraka).
3. Obavezi plaćanja regulatorne naknade iz tačke 2. ove odluke podliježu vlasnici licenci u iznosima i za licencirane djelatnosti, kako slijedi:
 - za djelatnost prijenosa električne energije 1.386.000,00 KM
 - za djelatnost nezavisnog operatora sistema 75.000,00 KM
 - za djelatnost distribucije 61.000,00 KM
 - za djelatnost trgovine i snabdijevanja 26.000,00 KM
 - za djelatnost međunarodne trgovine, po licenci 26.000,00 KM
4. Vlasnici licenci plaćaju regulatornu naknadu kvartalno, unaprijed, u skladu sa posebnim aktom DERK-a.
5. Vlasnici licenci plaćaju iznos regulatorne naknade proporcionalno periodu važenja licence.
6. Ova odluka stupa na snagu osmog dana od dana objavljivanja, a objavljuje se u "Službenom glasniku BiH", službenim glasilima entiteta i Brčko Distrikta BiH.

Obrazloženje

Shodno Zakonu o prijenosu, regulatoru i operatoru sistema električne energije u Bosni i Hercegovini osnovni prihod DERK-a čini regulatorna naknada koju plaćaju vlasnici licenci za obavljanje djelatnosti prijenosa električne energije, nezavisnog operatora sistema i međunarodnu trgovinu električnom energijom, a od 2011. godine i vlasnici licenci za obavljanje elektroenergetskih djelatnosti na području Brčko Distrikta BiH. Finansijskim planom za 2018. godinu ("Službeni glasnik BiH", broj 51/17) planirana su ukupna potrebna sredstva za finansiranje troškova DERK-a u iznosu od 2.206.000,00 KM. Višak prihoda nad rashodima na kraju tekuće godine je procijenjen na iznos od 150.000,00 KM, ostali prihodi u iznosu od 13.000,00 KM, tako da je regulatorna naknada za 2017. godinu utvrđena u iznosu 2.043.000,00 KM.

Pračun obaveza vlasnika licenci po djelatnostima uvažava osnovanu procjenu da će licencu DERK-a tokom 2017. godine posjedovati "Nezavisni operator sistema u Bosni i Hercegovini", "Elektroprijenos Bosne i Hercegovine", "Komunalno Brčko" i 19 vlasnika licence za obavljanje djelatnosti međunarodne trgovine električnom energijom.

Dio regulatorne naknade okvirno je raspodijeljen između reguliranih djelatnosti prijenosa električne energije i nezavisnog operatora sistema na osnovu odnosa ukupnih troškova i rashoda NOS-a BiH i ukupnih troškova i bruto dobiti Elektroprijenosa BiH, a uvažavajući dosadašnji trend promjene visine regulatorne naknade.

Regulatorna naknada koju će plaćati "Komunalno Brčko" za posjedovanje licence za obavljanje djelatnosti distribucije električne energije i licence za obavljanje djelatnosti trgovine i snabdijevanja električnom energijom na teritoriji BiH, određena je raspodjelom postojeće obaveze na posebne iznose koji su

uporedivi sa sličnim iznosima u okruženju koje plaćaju regulirani subjekti za iste djelatnosti sa uporedivom veličinom konzuma.

Vlasnici licenci reguliranih djelatnosti imaju pravo da iznos regulatorne naknade na koju su obavezani uračunaju u svoju tarifu.

S obzirom na značaj i svrhu pojedinog tipa licence iz dijela nereguliranih djelatnosti, regulatorna naknada za djelatnost trgovine i snabdijevanja električnom energijom na teritoriji BiH je jednaka iznosu koji plaćaju vlasnici licence za međunarodnu trgovinu.

Vlasnicima licenci, za jednu od djelatnosti iz tačke 3. ove odluke, iznos regulatorne naknade bit će određen proporcionalno vremenu važenja licence u toku 2018. godine.

Broj: 05-28-12-324-1/17
14. septembra 2017. godine
Tuzla

Predsjedavajući Komisije
Nikola Pejić, s. r.

582

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16), u skladu s Finansijskim planom Fonda zdravstvenog osiguranja Brčko distrikta BiH, na 8. redovnoj sjednici, održanoj 30. 08. 2017. godine, donosi

O D L U K U
O IZMJENI ODLUKE O UTVRĐIVANJU BROJA
ZDRAVSTVENIH USLUGA KOJE SE FINANSIRAJU IZ
SREDSTAVA FONDA ZDRAVSTVENOG OSIGURANJA
BRČKO DISTRIKTA BIH

Član 1

(1) U Odluci o utvrđivanju broja zdravstvenih usluga koje se finansiraju iz sredstava Fonda zdravstvenog osiguranja Brčko distrikta BiH, broj: 015-180/7-UO-5/17 od 31. 01. 2017. godine u tabelarnom dijelu člana 2 stava 1 redni broj 1 mijenja se i glasi:

R. br.	NAZIV ZDRAVSTVENE USLUGE	BROJ USLUGA NA GODIŠNJEM NIVOU
1	Operativni zahvat katarakte	320

(2) Stav 2 se briše.

Član 2

Ova odluka stupa na snagu danom donošenja, primjenjuje se od 01. 09. 2017. godine i objavljuje u Službenom glasniku Brčko distrikta BiH.

Broj: 015-180/7-UO-5/17-1
Brčko, 30. 08. 2017. godine

PREDSJEDNIK
UPRAVNOG ODBORA
dr. med. sci. Zoran Tošić, s. r.